



Republika e Kosovës - Republic of Kosovo
Komuna - Municipality
Hani i Elezit



01/Nr.7008/2025

Në bazë të Ligjit për Vetëqeverisjen Lokale Nr. 03/L-040 neni 11, 24, 40, Ligjin për Menaxhimin e Financave Publike dhe Përgjegjësit me Nr. 03/L-048 neni 20, Qarkoret Buxhetore 2026/01 me Nr.1508/2025 e datës 15.05.2025 dhe 2026/02 me Nr.2592/2025 e datës 21.08.2025 për Komunat, Kuvendi i Komunës së Hanit të Elezit në mbledhjen e mbajtur me datën 25.09.2025 merr:

VENDIM

PËR MIRATIMIN E BUXHETIT PËR VITIN 2026 DHE PARASHIKIMET BUXHETORE PËR VITET 2027-2028 TË KOMUNËS SË HANIT TË ELEZIT

1. Buxheti i përgjithshëm i Komunës së Hanit të Elezit për vitin 2026 është në shumë prej 4,234,682.00 €, ndërsa parashikimet buxhetore për vitin 2027 janë në shumë prej 4,457,136.00 € dhe për vitin 2028 janë në shumë prej 4,672,491.00 €.
2. Në strukturën e të hyrave të tërësishme buxhetore për vitin 2026 sipas pikës (1) të këtij vendimi, mjetet nga grantet qeveritare janë në shumë prej 3,877,962.00 €, që shënojnë pjesëmarrje prej 91.5 %, ndërsa nga të hyrat vetanake komunale në shumë prej 356,720.00 € apo 8.5%.
3. Shpenzimet e përgjithshme buxhetore për vitin 2026 sipas kategorive ekonomike të shpenzimeve parashikohen të kenë këto ndarje buxhetore: paga, shtesa dhe kompensime 2,505,202.00 €, mallra dhe shërbime 571,000.00 €, shpenzime komunale 111,000.00 €, subvencione dhe transfere 185,000.00 € dhe shpenzime kapitale 862,480.00 €.
4. Pjesë përbërse të këtij vendimi janë tabelat e buxhetit për vitet 2026-2028 (tabelat 4.1, 4.2 dhe 4.3).
5. Ky vendim hynë në fuqi 15 ditë pas protokollimit të autoritetit mbikëqyrës dhe 7 ditë pas publikimit në ueb – faqen zyrtare të komunës.

Me këtë vendim njoftohen:

- Kryetari i Komunës,
- Drejtorët e Drejtorive,
- Ministria e Financave, Punës dhe Transfereve,
- Ministria e Administrimit të Pushtetit Lokal dhe
- Arkivi i Komunës.

Data : 25.09.2025
Hani i Elezit





Republika e Kosovës - Republic of Kosovo
Komuna – Municipality
Hani i Elezit



01/7465/2025

Në mbështetje të neneve 12, 16 dhe 17 të Ligjit mbi Vetëqeverisjen Lokale Nr.03/L-040, neni 2, paragrafi 2.3 i Ligjit Nr. 03/L-049 – Për Financat e Pushtetit Lokal, Statuti i Komunës së Hani të Elezit neni 65, Kuvendi i Komunës së Hani të Elezit në mbledhjen e mbajtur me datë 25.09.2025 merr:

VENDIM

PËR RRITJEN E BUXHETIT TË KOMUNËS SË HANIT TË ELEZIT NGA TEJKALIMI I PROJEKSIONIT TË TË HYRAVE VETANAKE PËR VITIN 2025

Neni 1

Miratohet kërkesa me **Nr.04/7465/2025** për rritjen e buxhetit nga tejkalimi i projeksonit të të hyrave vetanake për vitin 2025. Projeksoni i të hyrave vetanake komunale për vitin 2025 është në shumë prej 339,719.00 €. Komuna Hani i Elezit ka tejkaluar këtë projekson, gjegjësisht prej muajit janar deri më datë 31.08.2025 ka inkasuar prej të hyrave direkte dhe indirekte në shumë prej 1,146,193.72 €. Përmeshja e planifikimit buxhetor me financim nga Të Hyrat Vetanake është realizuar në shumë prej 339,719.00 €. Shuma prej 759,225.32 € është alokuar nëpër Nën-Programet dhe kategori buxhetore, të paraqitura në Vendimin e Kuvendit Komunal të datës 26.06.2025 me Nr.01/4495/2025. Andaj, u marr vendimi për pjesën tjetër të të hyrave të inkasuara nga data 06.06.2025 deri më 31.08.2025 në shumë prej 47,249.40 €.

Neni 2

Mjetet nga neni 1 i këtij vendimi planifikohen të destinohen si vijon:

1. Në kuadër të kategorisë buxhetore Subvencione dhe Transfere në shumë prej **20,520.00 €**, në këto Nën-Programet Buxhetore:
 - Zyra e Kryetarit (16035), kodi funksional (0111) në shumë prej 16,520.00 €.
 - Parandalimi dhe Inspektimi i Zjarreve (18444), kodi funksional (0320), në shumë prej 2,000.00 €
 - Pylltaria dhe inspeksioni (47115), kodi funksional (0422), në shumë prej 2,000.00 €.
2. Në kuadër të kategorisë buxhetore Mallra dhe Shërbime në shumë prej **6,480.00 €**, në këto Nën-Programet Buxhetore:
 - Arsimi Parashkollor (92890), kodi funksional (0911), në shumë prej 6,480.00 €.

2. Në kuadër të kategorisë buxhetore Shpenzime Kapitale, në shumë prej **20,249.40 €**, në këtë Nën-Program Buxhetor:
- Planifikimi urban dhe inspeksioni (66480), kodi funksional (0620), në shumë prej 20,249.40.00 € në këtë projekt:
“Fabrika e ujit nga ujësjellësi i Dimcës, Shtëpia e Kulturës - Imri Curri - Oborri i Komunës, Stadiumi i qytetit - Suad Brava,- Shpronsim (56230), në shumë prej 20,249.40 €.

Hani i Elezit
Data: 25.09.2025





01/ Nr.7488 /2025

Në bazë të Ligjit për Vetëqeverisjen Lokale numër Nr. 03/L-040 neni 11, 40, Rregulloren e Punës së Kuvendit të Komunës neni 15, Kuvendi i Komunës në mbledhjen e mbajtur me datë 25.09.2025 merr:

VENDIM

PËR MIRATIMIN E PLANIT TË PUNËS SË KUVENDIT TË KOMUNËS SË HANIT TË ELEZIT PËR VITIN 2026

1. Kuvendi i komunës miratoi vendimin për planin e punës së kuvendit të komunës së Hani të Elezit për vitin 2026.
2. Kuvendi i Komunës së Hani të Elezit për vitin 2026 planifikon t'i mbajë gjithsej dymbëdhjetë mbledhje të rregullta dhe çdo mbledhje të kuvendit i paraprin mbledhja e komitetit për politik dhe financa.
3. Mbledhjet e rregullta të Kuvendit të Komunës së Hani të Elezit, do të mbahen sipas periudhës kohore të paraqitura si në tabelë:

	Vendimet/Çështjet
JANAR 2026	• Raporti financiar për vitin 2025. • Propozim vendimi për ndarjen e bursave për studentë për vitin akademik 2025-2026. • Plani i punës së këshillave të fshatrave për vitin 2026. • Informatë mbi veprimtarit e subjekteve afariste për vitin 2025.
SHKURT 2026	• Raporti i punës së kryetarit të komunës për vitin 2025. • Raporti i punës së kuvendit të komunës për vitin 2025. • Propozim vendim për bartjen e të hyrave vetanake të pashpenzuar nga viti i kaluar në vitin aktual. • Raporti financiar për vitin 2025 i N.P.L "Pastrimi" sh.a. • Informatë mbi procesin e trajtimit të ndërtimeve pa leje dhe legalizimin e tyre.
MARS 2026	• Raporti i punës së komitetit për komunitete për vitin 2025. • Informatë për aktivitetet e këshillit komunal për siguri në bashkësi për vitin 2025. • Informatë për aktivitetet e këshillave të fshatrave të komunës së Hani të Elezit për vitin 2025.
PRILL 2026	• Raporti financiar për periudhën Janar – Mars 2026. • Raporti periodik lidhur me progresin e zbatimit të rekomandimeve të auditorit . • Informatë për ndarjen e bursave. • Raporti financiar për periudhën Janar – Mars 2026 i N.P.L "Pastrimi" sh.a.

MAJ 2026	• Rishikimi i buxhetit të komunës për vitin 2026. • Informatë mbi mbrojtjen e mjedisit.
QERSHOR 2026	• Korniza afatmesme buxhetore 2027-2029. • Propozim vendimi për themelimin e grupit punues për hartimin e planit të punës së Kuvendit të Komunës për vitin 2027.
KORRIK 2026	• Raporti financiar për periudhën Janar – Qershor 2026. • Raporti i auditorit të përgjithshëm për Komunën e Hanit të Elezit për vitin 2025. • Plani i Veprimtë të Komunës së Hanit të Elezit për adresimin e rekomandimeve të raportit të auditimit 2025. • Informatë për aktivitetet e këshillit komunal për siguri në bashkësi për gjashtë mujorin e parë të vitit 2026. • Raporti për vlerësimin e performances së Komunës për vitin 2025. • Raportin financiar për periudhën Janar – Qershor 2026 i N.P.L “Pastrimi” sh.a. • Informatë për sektorin e emergjencave.
GUSHT 2026	• Raporti i punës së kryetarit të komunës për periudhën Janar - Qershor 2026. • Informatë mbi suksesin e arritur të nxënësve në SHFMU dhe SHML në fund të gjysmëvjetorit të dytë të vitit shkollor 2025-2026. • Shqyrtimi i rregullores për taksa komunale për vitin 2027. • Informatë për korrije shirjet.
SHTATOR 2026	• Buxheti i komunës për vitin 2027 dhe parashikimet buxhetore për vitin 2028-2029. • Miratimi i rregullores për taksa komunale për vitin 2027. • Plani i punës së kuvendit të komunës për vitin 2027. • Informatë mbi fillimin e vitit të ri shkollor 2027/2028.
TETOR 2026	• Raporti financiar për periudhën Janar – Shtator 2026. • Vendim për caktimin e normave tatimore për tatimin mbi pronën e paluajtshme për vitin 2027. • Plani i biznesit të N.P.L Pastrimi sh.a. për vitin 2027. • Raporti periodik lidhur me progresin e zbatimit të rekomandimeve të auditorit. • Raporti financiar për periudhën Janar – Shtator 2026 i N.P.L Pastrimi sh.a. • Informatë për çështjen e ujit. • Informatë për qendrën për punë sociale.
NËNTOR 2026	• Informatë për ndarjen e subvencioneve në bujqësi. • Informatë mbi gjendjen në shëndetësi.
DHJETOR 2026	• Plani i punës së ekzekutivit të komunës së Hanit të Elezit për vitin 2027. • Plani i punës së këshillit komunal për siguri në bashkësi për vitin 2027 • Plani i punës së komitetit për komunitete për vitin 2027.

4. Kuvendi i Komunës së Hanit të Elezit gjatë vitit 2026, mund të mbajë edhe mbledhje tjera të rregullta më shumë se minimumi i paraparë me aktet në fuqi. Të gjitha mbledhjet e rregullta do të mbahen vetëm ditëve të punës.
5. Të gjitha mbledhjet e rregullta të Kuvendit të Komunës do të jenë të hapura për qytetarë dhe përfaqësues të mediave publike. Nëse ndonjë mbledhje e rregullt apo pjesë e mbledhjes do të mbahet me dyer të mbyllura atëherë për këtë duhet të vendosë Kuvendi i Komunës. Nëse mbledhja mbahet me dyer të hapura në mbledhjet mund të marrin pjesë qytetarët e komunës dhe përfaqësues të mediave në përputhje me kushtet dhe mundësitë fizike.
6. Kuvendi i komunës mund të mbajë edhe mbledhje tjera, varësisht prej nevojave që paraqiten.
7. Njoftimet për mbledhje të kuvendit të komunës bëhen publike. Materialet për mbledhjet e rregullta të kuvendit të komunës iu dorëzohen të gjithë anëtarëve të kuvendit të komunës 7 ditë pune para mbajtjes së mbledhjes. Njoftimet dhe materiali i mbledhjes i dërgohet edhe Ministrisë së Administrimit të Pushtetit Lokal.
8. Plani i mbledhjeve të kuvendit, i përcaktuar si në pikën tre (3) të këtij vendimi, është orientues e nuk do të thotë se nuk pëson ndryshime.
9. Plani i mbledhjeve të kuvendit të komunës për vitin 2026, ka fuqi veprimi nga muaji Janar deri në muajin Dhjetorë të vitit 2026.
10. Ky vendim hynë në fuqi 30 ditë pas protokollimit të autoritetit mbikëqyrës dhe 7 ditë pas publikimit në ueb – faqen zyrtare të komunës.

Me këtë vendim njoftohen:

- Kryetari i Komunës,
- Drejtorët e Drejtorive,
- Ministria e Administrimit të Pushtetit Lokal dhe
- Arkivi i Komunës.

Hani i Elezit

Data: 25.09.2025





01/Nr.7793/2025

Bazuar në nenin 12 shkronja d dhe neni 17 paragrafi 1 shkronja b e Ligjit nr. 03/L-040 për Vetëqeverisje Lokale- Gazeta Zyrtare e Republikës së Kosovës nr.28/2002, e në mbështetje të nenit 5 paragrafi 1.2 pika 1.2.1, nenit 6 paragrafi 1.2 pika 1.2.1, nenit 10 paragrafi 2 pika 2.1 dhe 2.2 dhe nenet 11 dhe 15 të Ligjit nr.04/L-174 për Planifikim Hapësinor, Udhëzimit Administrative (MMPH) nr.11/2015 mbi elementet dhe kërkesat themelore për hartimin, zbatimin dhe monitorimin e Planeve Zhvillimore Komunale, Udhëzimit Administrativ (MMPH) nr.08/2017 për normat teknike të planifikimit hapësinor, Vendimit për dhënjën e pëlqimit për miratimin e Planit Zhvillimor të Komunës Hani i Elezit 2025-2033 me nr. 4351-2/25 të dt.31.07.2025 nga Ministria e Mjedisit, Planifikimit Hapësinor dhe Infrastrukturës, si dhe neni 76 pika a të statutit të Komunës Hani i Elezit, Kuvendi i Komunës në mbledhjen e mbajtur me dt. 25.09.2025, merr këtë:

VENDIM

PËR MIRATIMIN E PLANIT ZHVILLIMOR TË KOMUNËS HANI I ELEZIT 2025-2033

Neni 1

Miratohet Plani Zhvillimor Komunal i Komunës Hani i Elezit për periudhën kohore 2025-2033, si dokument themelor i planifikimit hapësinor dhe zhvillimit të qëndrueshëm socio-ekonomik të Komunës.

Neni 2

Plani Zhvillimor Komunal (PZHK) është plan strategjik multi sektorial i cili përcakton caqet afatgjata të zhvillimit ekonomik social dhe hapësinor të komunës Hani i Elezit dhe si i tillë përfshinë planin për zhvillimin e gjitha zonave urbane dhe rurale për një periudhë kohore 8 vjeçare.

Neni 3

Pjesë përbërëse e këtij vendimi është “Plani Zhvillimor i Komunës Hani i Elezit 2025-2033” i hartuar nga Drejtoria e Urbanizmit, Kadastrit dhe Mbrojtja e Mjedisit, duke u bazuar në dispozitat e Ligjit për Planifikim Hapësinor Nr.04/L-174 (Gazeta Zyrtare e republikës së Kosovës Nr.30/2013), Udhëzimit Administrativ (MMPH) nr.11/2015 mbi elementet dhe kërkesat themelore për hartimin, zbatimin dhe monitorimin e Planeve Zhvillimore Komunale, Udhëzimit Administrativ (MMPH) Nr.08/2017 për normat teknike të planifikimit hapësinor dhe vendimit për dhënjën e pëlqimit për miratim të Planit Zhvillimor të Komunës Hani i Elezit 2025-2033 me nr.4351-2/25 të dt.31.07.2025 nga Ministria e Mjedisit, Planifikimit Hapësinor dhe Infrastrukturës.

Neni 4

Ky Plan do të shërbejë si bazë për hartimin dhe miratimin e dokumenteve tjera të planifikimit hapësinor dhe zhvillimit komunal.

Neni 5

Zbatimin e këtij vendimi e bënë Drejtoria e Urbanizmit, Kadastrit dhe Mbrojtja e Mjedisit të Komunës Hani i Elezit.

Neni 6

Pas miratimit nga Kuvendi i Komunës, ky vendim hyn në fuqi 15 ditë pas regjistrimit në zyrën e protokollit në Ministrinë e Administrimit të Pushtetit Lokal si dhe 7 ditë pas publikimit në ueb faqen e Komunës së Hanit të Elezit.

Neni 7

Me hyrjen në fuqi të këtij vendimi shfuqizohet vendimi për miratimin e Planit Zhvillimor të Komunës Hani i Elezit 2010-2025+ i miratuar nga Kuvendi i Komunës në mbledhjen e mbajtur me dt.26.09.2011 vendimi nr.01/Nr.118/2011.

Vendimi iu dërgohet:

- Kryetarit të Komunës së Hanit të Elezit,
- Ministrit të Administrimit të Pushtetit Lokal,
- Ministrit të Mjedisit, Planifikimit Hapësinor dhe Infrastrukturës,
- Drejtorisë së Urbanizmit, Kadastrit dhe Mbrojtja e Mjedisit si dhe
- Arkivit të Komunës.

Hani i Elezit

Data:25.09.2025

Kryesuesi i Kuvendit
Florim Shkreta

